



先秦 — 清末民初

中國野史集成·續編編委會
四川大學圖書館編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編
⑫

巴蜀書社·中國·成都

目錄 (第十二册)

弇山堂別集

卷八一—一〇〇(止)	一
國史唯疑	二五二
皇明臣略纂聞	四五九
名山藏	
卷一—七	六九七

弇山堂別集

卷八(一) 〇〇 (正)

吳郡王世貞元美著

卷八 科試考一

國家初起右武其于文事亦不數數焉大要各以其途進然庚戌詔見天子意在矣百餘年來日以益重非從此出者多見擯異途不輒當要津此豈一朝一夕哉作科試考

初設科舉條格詔 洪武三年五月初一日

奉天承運 皇帝詔曰朕聞成周之制取材于貢士故賢者在職而其民有士君子之行是以風俗淳美

新出列集

國表之八

國易為治而教化彰顯也漢唐及宋科舉取士各有定制然但貴詞章之學而未求六藝之全至于前元依古設科待士甚優而權豪勢要之官每納奔競之人辛勤歲月輒竊仕祿所得資品或居士人之上懷材抱德之賢耻于並進其隱山林而不起風俗之弊一至于此今朕統一中國外撫四夷與斯民共享昇平之治所慮官非其人其有傷吾民願得君子而用之自洪武三年八月為始特設科舉以取懷材抱德之士務在經明行修博古通今文質得中名實相稱其中選者朕將親策于廷觀其學識而高下而任之

以官果有材學出眾者待以顯擢使中行文武皆由科舉而選非科舉毋得與官敢有遊食奔競之徒坐以重罪以朕稱責實求賢之意所有合行事宜條列於後

一 鄉試會試文字程試

第一場試五經義各試本經一道不拘舊格惟務經旨通暢限五百字以上易程朱氏註古註疏書蔡氏傳古註疏詩朱氏傳古註疏春秋左氏公羊穀梁胡氏張洽傳禮記古註疏四書義一道限三百字以上

新出列集

國表之八

第二場試禮樂論限三百字以上詔誥表箋

第三場試經史時務策一道惟務直述不尚文藻限一千字以上

第三場畢後十日面試騎觀其馳驟便捷射觀其中數多寡書觀其筆畫端楷律觀其講解詳審

殿試時務策一道惟務直述限一千字以上

一出身

第一甲第一名從六品第二第三名正七品賜進士及第

第二甲一十七名正七品賜進士出身

第三甲一十七名正七品賜進士出身

第三甲一十七名正七品賜進士出身

第三甲一十七名正七品賜進士出身

第三甲八十名正八品賜同進士出身

一鄉試各省并直隸府州等處通選五百名為率人材衆多去處不拘額數若人材未備不及數者從實充貢

河南省四十名山東省四十名 西省四十名陝

西省四十名北平省四十名福建省四十名江西

省四十名浙江省四十名湖廣省四十名廣西省

二十五名在京鄉試直隸府州一百名

一會試額取一百名

一高麗國安南占城等國如有經明行脩之士各就

本國鄉試貢赴京師會試不拘額數選取

一開試日期

鄉試八月初九日第一場十二日第二場十五日

第三場

會試次年二月初九日第一場十二日第二場十

五日第三場

殿試三月初三日

一三年一次開試

於洪武三年鄉試洪武四年會試

各省自行鄉試其直隸府州赴京鄉試凡舉各

籍貫年甲三代本姓鄉里舉保州縣申行省印卷

鄉試中者行省咨解中書省判送禮部印卷會試

一仕宦已入流品及曾于前元登科并曾仕宦者不

許應試其餘各色人民并流寓各處者一體應試

一有過罷間人吏娼優之人竝不得應試

一應舉不第之人不許誼關撫拾考官及擅擊登聞

鼓違者究治

一凡試官不得將弟男子姪親屬徇私取中違者許

赴省臺指實陳告

一科舉取士務得全材但恐開設之初騎射書算未

能徧習除今科免試外候二年之後須要鑄方許

中選於戲設科取士期必得乎全材任官惟能庶

可成于治道咨爾有衆體朕至懷故茲詔示想宜

知悉

按洪武三年庚戌始開科就試者鄉舉士百二十三

人中試者七十二人主試則御史中丞劉基治書侍

御史秦裕伯同考則翰林侍讀學士詹同弘文館學

士睢稼起居注樂韶鳳尚寶丞吳潛國史編脩朱濂

而序錄出於濂中試士未及會試悉授官

四年京畿鄉試兵部尚書吳琳國子司業宋濂濂仍

爲序尋合諸省之士會試凡二百人中試者百二十人知貢舉官特進中書省右丞相忠勤伯汪廣洋左丞相胡惟庸主文禮部尚書陶凱前翰林侍講學士潘庭堅考試翰林侍讀學士詹同國子司業宋濂吏部員外郎原本前貢士鮑恂掌院吏部右侍郎顧貞監試御史孔希魯宋主提調兼印卷禮部尚書楊訓文同印卷中書左司郎中孫煜祖提調禮部侍郎秦文繹禮部主事姜漸受卷吏部主事林光弼彌封兵部主事許方騰錄蘇州教授貢穎之對讀翰林應奉文字唐肅禮部主事張孟兼此外又有監門搜檢巡綽鎮撫供給主事及掌行科舉文字省掾令史供給奏差等官廷試總調則前汪廣洋胡惟庸讀卷祭酒魏觀博士孫吾與給事中李顧脩撰王傑監試御史馬贊徐汝舟掌卷工部員外郎牛諒受卷工部主事周寅彌封秘書監丞陶誼對讀尚寶丞魏潛編脩蔡玄提調前陶凱楊訓文以官品攷之尚書祭酒正三品侍郎侍讀學士正四品給事中從四品左司郎中司業正五品員外正六品主事應奉脩撰正七品編脩秘書正八品

是歲取中俞友仁等廷試賜吳伯宗郭玗吳公達俱及第狀元授員外郎餘及出身俱授主事同出身授縣丞會元亦授縣丞高麗生入試者三人唯金濤登三甲第五授東昌府安丘縣丞餘皆不第三人俱以不通華言請還本國詔厚給道里費遣舟送之濤尋爲其國相儒籍中者六十三人

六年諭中書省臣有司所取多後生少年觀其文詞若可有爲及試用之能以所學措諸行事者甚寡朕以實心求賢而天下以虛應朕非朕責實求賢之意也今各處科舉宜暫停罷別令有司察舉賢才必以德行為本而文藝次之

是年遂詔天下舉人罷會試正月初八日河南解額內選四名第一人張唯年二十七其次王輝年二十八李端年二十一張玗年二十七二十三日山東解額內選五名第一人王璉年二十三其次張鳳年二十八任敬年二十六陳敏年二十三馬亮年二十五皆拜翰林編脩又選國子監蔣學方徵彭通宋善王惟吉鄒傑等拜給事中於文華堂肄業命太子贊善大夫宋濂太子正字桂彥良分教之

十七年三月戊戌朔命禮部頒行科舉成式凡三年大比子午卯酉年鄉試辰戌丑未年會試舉人不拘

額數從實文百鄉試八月初九日第一場試四書
三道每道二百字以上經義四道每道三百字以上
未能者許各減一道四書義主朱子集註經義詩主
朱子集傳易主程朱傳義書蔡氏傳及古註疏春秋
主左氏公羊穀梁胡氏張洽傳禮記主古註疏十二
日第二場試論一道三百字以上判語五條詔誥章
表內科一道十五日第三場試經史策五道未能者
許減其二俱三百字以上次年禮部會試以二月初
九日十二日十五日為三場所考文字與鄉試同鄉
試直隸府州縣則於應天府在外府州縣則於各布
政司其舉人則國子學生及府州縣學生負之學成
者儒士之未仕者官之未入流者皆由有司申舉性
資敦厚文行可稱者應之其學校訓導專教徒及罷
閒官吏倡優之家與居父母喪者並不許入試其中
試者官給廩傳送禮部會試考試官皆訪經明公正
之士官出幣帛先期敦聘主文考試官二人文幣各
二表裏同考試官鄉試四人會試八人文幣各一表
裏提調官在內鄉試應天府官一人會試禮部官一
人在外布政司官一人監試官在內監察御史二人
在外按察司官二人供給官在內應天府官一人在

外府官一人收掌試卷官一人彌封官一人騰錄官
一人對讀官四人受卷官二人皆擇居官之清慎者
充之巡綽監門搜檢懷挾官四人在內從勸督府委
官在外從守禦官委官凡供用筆札飲食之屬皆官
給之舉人試卷自備每場草卷正卷各用紙十二幅
首書三代姓名及其籍貫年甲所習經書在內赴應
天府在外赴布政司印卷會試殿試赴禮部印卷試
之日黎明舉人入場每人用軍一人守之禁講問代
冒至晚納卷未畢者給燭三枝文字迴避 御名廟
諱及不許自叙門地彌封者編號作三合字騰錄者
用硃考試官用墨以防欺偽其會試中試者三月朔
日赴殿試
是秋九月應天府奏中式者廖孟瞻等二百二十九
人按雙槐歲抄云內多國子生 上悅命有司出榜
原籍旌之
十八年乙丑會試命待詔朱善前典籍聶鉉為考試
官取黃子澄第一練子寧次之花綸又次之綸浙江
解元也及廷試綸第一子寧次之子澄又次之既啟
封 上自以夢故用丁顯為狀元子寧如故綸第三
抑子澄三甲為庶吉士然三人俱授脩撰亡何亦擢

予澄為脩撰云見刻丁顯策者僅三百字稱 上為
上位餘多不成語實錄云賜二甲進士馬京等為編
脩吳文為檢討李震為承勅即陳廣為中書舍人三
申危璣為衛府紀善李鳴岡為漕府奉祠正楊靖為
吏科庶吉士黃耕為承勅即蹇瑤等為中書舍人鄒
仲實為國子助教其諸進士觀政翰林院承勅監近
侍衙門者采書經庶常吉士之義俱稱庶吉士六部
俱稱進士

是歲沈潛楊靖咸受 上知不兩歲至兵刑部尚書
而皆不克終蹇瑤改名義授中書舍人滿九載潛靖
死後始進官而為吏部尚書者三十四年俞憲登科
攷名姓次序俱以會試錄為准然不載楊靖蹇瑤其
脫略可知矣

二十一年戊辰會試命翰林院編脩蘇伯衡李紱荆
為考試官取中施顯等廷試擢任亨泰第一命有司
於襄陽建狀元坊以旌之亨泰甚被 上寵任每召
議手書襄陽任而不名後自禮書謫御史不知所終
第二人卓敬第三人盧原質原質方孝孺之姑子十
年而為太常少卿

按是歲解縉年十九中三甲進士攷年譜志銘俱載

改中書庶吉士與姊夫黃金華同而實錄內絕不載
其事實錄為縉摠裁豈應刪略至此蓋縉得罪後以
重脩故去之耳題名記盧原質卓敬以死難磨去不
存

二十三年庚午賜應天府考試官傅箕蘇伯衡謝南
毛瀚鈔各十錠中式舉人黃文史等五十人各二錠
其監生生員試不中者鈔二貫且諭以進學之方俾
無怠無忽

二十四年辛未天下會試者六百六十人取中許觀
等三十一人廷試仍賜許觀第一時年二十八張顯
宗次之吳言信又次之 上以連科狀元出太學召
祭酒宋訥面褒焉

是歲復擢下第舉人張孟鏞等為主事

二十七年甲戌取中彭德等廷試賜張信及第信定
海人為侍讀後坐以教韓王寫杜詩含譏刺及策稿
削御製二語得罪後坐考試事誅彭亦坐事除名

三十年丁丑會試命翰林院學士劉三五吉府紀善
白信頊為考試官取宋琮等五十一人廷試賜闕縣
陳郊為首姑尹昌隆會稽劉諤次之時大江以北無

登第者下第諸生上疏言三吾等南人私其剏 上

怒命儒臣再考落卷中文理長者第之於是侍讀張信侍講戴燾右替善王俊華司直即張謙司經局校書嚴焄載正字董貫長史黃章紀善周衡蕭楫及郊

昌隆諤人各閱十卷或言劉白囑信等以陋巷進呈上益怒親賜策問擢韓克忠王恕焦勝等六十一人

及第有差授第一名韓克忠為翰林脩撰第二名王恕為編脩第三名焦勝為行人司副進士陳性善為

行人陳誠為檢討考信等俱燄殺之三五以老戍知諤安置威虜唯赦戴燾尹昌隆劉諤取回為司賓司

儀署丞復殺之宋琮拜御史後以檢討掌助教致仕

建文二年己卯命文學博士方孝孺太常少卿高巽志三應天試取中劉政等政後以兵變不食死

三年庚辰命會試禮部左侍郎兼學士董倫太常少卿高巽志為考官取中吳溥等士良策第一以貌不

及胡廣又廣策多斤親藩遂擢廣第一改名靖良為第二是歲得人最盛如胡及二楊胡濙俱登顯要為

時名臣而良能徇節尤可重也

命禮部乙榜舉人署教諭訓導事者給俸三年入禮部試試中計所教人得中鄉試就進士出身資格通陞一級否從本級其下第而所教人中鄉試者與

授九年通考稱職平常不稱職黜陟否仍署職減俸十之五乙榜年未三十不願署教者聽

永樂二年甲申會試命侍讀學士解縉侍讀黃淮為考試官取禮樂制度為問欲以求博洽之士唯曾蔡

卷記獨詳上喜御批貫通經史識達天人有講習之學有忠愛之誠擢魁天下昭我文明尚資啟沃惟良

顯哉第二第三人周述周孟簡從昆季也亦皆有御批褒許之辭至謂兄弟齊名古今罕比授脩撰編脩

等官仍于二甲擇文學優長楊相等五十一人及善書湯沅等十人俱改翰林庶吉士進學賜蔡與述孟

簡羅衣各一襲五月擢庶吉士杜欽王惟正鄭慶為戶科給事中周玉羅亨信張伺為工科給事中又命

翰林院試下第舉人張欽等六十一人召見皆賜冠帶命于國子監進學以俟後科且勉以立志謂爾等

學已有根但更百尺竿頭進步爾後科第一甲人有不在爾曹者承至次年正月復命學士縉等庶吉士

楊相劉子欽彭汝器王英王直余鼎章啟王訓柴廣敬王道熊直陳敬宗沈升洪順章朴俞學夔羅汝敬

盧翰湯流李時勉段民倪惟哲袁天祿吾紳楊勉及蔡等二十八人于文淵閣肄業時人謂之二十八宿

進士周忱自陳年少願進學 上喜曰有志之士也
命增入之司禮監月給筆墨紙光祿給朝暮膳禮部
月給膏燭鈔人三錠工部擇近第宅居止是歲人知
選二十八人不知初為六十一人也

是科自曾蔡等三名外得留者僅王英王直二人而
至八座者亦僅二王及周忱耳陳敬宗李時勉皆已
授官而復入者

三年乙酉翰林院學士王景侍讀學士王達主應天

試
四年丙戌命翰林院侍讀學士王達司經局洗馬兼

全山堂別集 卷之六十一

翰林院編脩楊溥為考試官取中朱縉等廷試賜林

環陳全劉表及第改進士江殷胡啟先孫迪張彝豫

李岳潤陳孟繁張文選鄭復言曾春敬蕭福曹閻廬

永黃獻為庶吉士

是歲仍取乙榜舉人廷試擢周翰等三人進學翰林

餘除學官

六年戊子命翰林院脩撰李貫檢討王洪主應天試

七年己丑命翰林院侍講鄒緝左春坊左司直即徐

善述為考試官取中陳璩等 皇太子以副榜第一

名孔譔為左春坊左中允賜出身御史劾出題孟子

節文尚書洪範九疇偏題緝等俱下獄又復取下第

胡濬金庠等十餘人時 上幸北京俱寄國子監讀

書至辛卯始廷試賜蕭時中首秉黃賜及第俱為脩

撰改進士楊慈劉末清陳璩錢習禮黃壽生陳周俱

為庶吉士鍾英張習張試馬信邵聰初為國子生選

入翰林習譯書至是中進士亦改庶吉士

九年辛卯翰林院學士兼左春坊大學士胡廣右春

坊右庶子兼翰林院侍講楊榮主應天試

十年壬辰命左春坊右諭德翰林院侍講楊士奇右

諭德兼侍講金幼孜為考試官取中林誌等廷試賜

馬鐸林誌王鈺及第其進士原在翰林習譯書者蔣

禮趙塲徐俊何賢潘勤黃裳羅興楊榮張觀馬王馬

訓王璜劉濬胡讓邵進來顯方復俱改庶吉士林誌

福建解元也

十二年甲午北京行部講鄉試始命翰林院侍講曾

榮翰林院侍講兼左春坊左中允鄒緝主之

皇太子命司經局洗馬兼翰林編脩楊溥編脩周述

主應天試

十三年乙未始詔天下舉人會試北京命翰林院脩

撰梁潛王洪為考試官初拆卷得第一名曰陳循其

鄉人也避嫌改置第二而擢林文枳既又以枳字難

識定洪英為第一第五名王翺者益山人也 上喜

得畿輔士以布衣召見賜酒食既廷試復賜陳循及

李貞陳景著及第景著時年十八改進士洪英王翺

林文枳宋魁陳鏞曾弘林道節胡觀章文昭嚴珊金

開王英鄭洛表璞周崇厚習侃鄭雍言牟倫呂裳張

英黃仲芳廖謨宋琰朱景范琮黃燾陳文璧高毅張

堅沈賜及原習譯書王懋姚昇胡清方勉林超曹義

龔英時末彭麟益陳坤奇李芳葉賴王士華吳紹生

丁毅石玉黎民張遶萬完周貴連智王論樊敦王麟

戴觀許彬徐景安石慶鄭猷李冠祿周安謝暉為庶

吉士

是年內閣左庶子兼侍講楊榮右諭德金幼孜尚列

大理寺丞馬麟後

十五年丁酉北京行部請鄉試命翰林院侍講左春

坊左中允鄒緝侍講王洪主之尋出王洪為主事改

命侍講王英

皇太子命翰林院侍講兼右贊善梁潛侍講陳全主

應天試

十六年戊戌會試命行在翰林院侍讀學士曾榮侍

講王英為考試官取中董璘等廷試賜李騏劉江鄧

珣及第騏初名馬 上自改之唱名莫有應者上為

道其故乃出應取進士周叙董璘楊珙褚思敬尹鳳

岐陳詢徐律習嘉言王寅胡文善周懋昭王暹雷遂

莫珪孔友諒泰初為庶吉士

十八年庚子命左春坊左中允兼行在翰林院侍講

鄒緝侍講王英主順天試

皇太子命翰林院脩撰張伯穎左春坊左贊善兼編

脩陳仲完主應天試

十九年辛丑命左春坊太學士楊士奇翰林院侍講

周述為考試官取中陳中等廷試賜曾鶴齡劉矩裴

綸及第取原習譯書進士衛恕陳融溫良姚本張恕

萬頌黃澍楊鼎王璉李學吳得全朱子福王振蔣謙

韋昭為庶吉士

二十一年癸卯命翰林院侍講王英翰林院脩撰林

誌主順天試

命

二十二年甲辰命翰林院侍讀學士曾榮侍講余鼎

為考試官取中葉思等廷試賜邢寬梁溼孫曰恭及

第初 上取第一孫曰恭嫌其名近暴曰孫暴不如

邢寬遂擢寬第一仍用朱書填黃榜一時稱異事云

取進士徐賢何志薛理李芳蔡英葛陵等為庶吉士

宣德元年丙午命左春坊右諭德林志翰林院侍講

余學夔主應天試 上親征漢王順天不及試

二年丁未命行在太常寺卿翰林院學士楊溥左春

坊大學士兼翰林院侍讀學士曾榮為考試官取中

趙鼎等廷試賜馬愉杜寧謝璉及第命進士江玉琳

等九十六人歸家進學原諱字邢恭為庶吉士

四年己酉命左春坊左庶子兼翰林院侍讀學士王

直翰林院侍讀李時勉主順天試

命翰林院侍讀錢習禮翰林院脩撰劉永清主應天

試

五年庚戌命左春坊大學士兼行在翰林院侍講學

士王英翰林院侍讀錢習禮為考試官取中陳紹等

廷試賜林震林文龍錢及第選薩琦建端葉錫陳璣

林補王振許南傑江淵為庶吉士給酒饌房舍月賜

燈油鈔一如永樂甲申例復命兵部與皂隸人賜文

綺衣一襲鈔三百貫命學士王直教習是歲試錄禮

部尚書稱總提調兼知貢舉革掌行科舉文字諸執

事官由舉人者皆繼貢士震福建解元又會試第二

人也

七年壬子命左春坊左庶子兼翰林院侍讀周洪翰

林侍讀錢習禮主順天試

命行在翰林院侍講學士李時勉侍讀由衷主應天

試

是歲九月順天府尹李庸檢舉科場詐冒事御史楊

懷給事中虞祥等劾奏庸及監試等官御史梁廣成

等罪 上命姑宥之已而顧侍臣曰科舉求賢國家

重事於此而不用心他事可知已御史給事中所劾

本不可宥但念斯事因庸覺察不然奸弊不克露矣

八年癸丑致仕少保戶部尚書武英殿大學士黃淮

以謝恩至京命與詹事府少詹事兼翰林院侍讀學士

王直為考試官取中劉哲等廷試賜曹鶴趙恢鍾復

及第先鶴舉貢士為學官上書願得一劇職自效改

太和典史以解糧至京請與試許之中第一人廷試

復第一人十年之內入閣輔政矣 上復命內閣禮

部選進士及乙榜年少質美者得進士尹昌黃瑄趙

晉陳雲傳綱黃回六人為庶吉士乙榜龍文章謹李

滄梁葵黃半陳韶田鈞李浦王鑑朱奎袁和林同柴

同恩張永翰陳康龍理相佐黃胤李杰王佐鄭觀胡

如賜趙象蔣榮祖二十四人送國子監庶吉士令王直教習賜居第給酒饌燈油鈔龍文等賜冠帶給訓導俸以待下科會試翰林院三月一考其文至十一月復選進士徐琨賴世隆吳節李紹姜洪虞漢潘洪王王陳金劉寶鄭建方熙何瑄為庶吉士亦命王直教之

十年乙卯命翰林院侍讀學士李時勉翰林院侍讀高毅主順天試

命左春坊左庶子兼翰林院侍讀周述翰林院侍讀苗衷主應天試

正統元年丙辰少詹事兼翰林院侍讀學士王直翰林院侍講學士陳循為考試官取中劉定之等廷試賜周旋陳文劉定之及第或云首揆既取三卷未定問同事者曰有識周旋者否狀何如或曰白而偉蓋疑謂淳安周瑄也遂首旋既傳臚貌甚寢為之愕然同考太常少卿魏驥循師也官秩尊于循改王鑑劉越余忤王尚文伊侃李振王忠王偉徐珪秦瑛古鏞顧睢雷文為庶吉士少詹事王直王英教之是歲詔增鄉試會試取士額先是祭酒陳敬宗言比者解額有定副榜數少以致天下教官類多缺員更

部遂建議兼考監生補除教職往往僥倖選列不稱師範竊以為縱科舉取人之濫猶愈于監生考試之精請量寬解額專取之於副榜庶幾誨道得人賢才無滯於是行在禮部議增會試為百五十人順天府近已增至八十人其應天浙江等處各增額有差上定順應天滿百人浙江福建皆六十人江西六十五人河南廣東皆五十人湖廣五十五人山東四川皆四十五人陝西山西皆四十人廣西三十人雲南二十人其監生學業無愧者仍除教職

順天府尹姜濤奏本府八月鄉試例取舉人八十名

近者浙江等布政司并應天府舉人俱視常例有增順天府仍舊然本府與應天府俱有監生并各處儒士吏典應試乞准應天府例增二十名從之

三年戊午命翰林院侍讀學士曾鶴齡翰林院侍讀洪瑛主順天試

命翰林院學士錢習禮翰林院侍讀陳詢主應天試是歲順天初試之夕場屋火旋滅試卷有殘缺者有司俱不敢請更試欲請脩場屋以終後兩試鶴齡曰必更試然後可以滌弊而不枉士子有司具一說以進 詔更試日

四年己未命行在禮部左侍郎兼翰林院侍讀學士王直行在翰林院學士錢習禮為考試官取中楊鼎等廷試賜施槃楊鼎倪謙及第祭時年二十三不父卒楊鼎陝西解元

六年辛酉命主順天

命翰林院侍讀學士陳循翰林院侍講陳用主應天

試

七年壬戌命禮部左侍郎兼翰林院侍講學士王英

翰林院侍讀學士苗衷為考試官取中姚夔等廷試

賜劉儼呂原黃諫及第

是歲同考則有永新知縣陳負韜京衛武學教授紀

振俱進士岐陽教諭彭舉中試十二名 都察院吏

三十三名南昱刑部吏一百二十一名鄭温松陵驛

丞

九年甲子命主順天

命主應天

十年乙丑命翰林院學士錢羽禮部侍講學士馬愉為

考試官取中商輅等廷試賜高輅周洪謨劉俊及第

輅浙江解元也本朝中三元者惟輅一人

是歲同考一教授二教諭又水東日記云是科命出登科錄天字皆稱茂字今考部本不然以為葉傳聞之誤葉是科進士豈有誤理或本部翻刻未可知也廷試讀卷有兵部尚書徐晞戶部侍郎掌光祿寺柰專俱吏負也

十二年丁卯命翰林院侍讀習嘉言翰林院侍講刑寬主順天試

命翰林院侍講王一寧檢討錢溥主應天試

十三年戊辰命工部右侍郎兼翰林院學士高穀侍

講杜寧為考試官取中伍正等廷試賜彭時陳鑑岳

正及第

是年同考二教諭一訓導辦事官舒庭模中一百二

十五名改萬安曹鼎能璿劉吉孫茂劉珣王勤謝環

田行順李泰宋弼邢讓劉清喬毅李本鏞王恕孫星

孟祥曹輔韓敏尹旻張斐李鐙李寬華顯霍榮卯安

李堅成章為庶吉士命侍讀習嘉言侍講王一寧編

脩趙恢教習後補命侍講劉鉉脩撰王振

是歲登科錄李泰書及永昌司禮監太監又讀卷官

太常少卿程南雲乃習書字人

唱名日當呼第一名彭時不見上候之長久始至

特釋之明年八月時以脩撰入內閣預機務

是年讀卷戶部右侍郎兼學士陳循列于戶部左侍

即柰其後右都御史掌鴻臚寺楊善亦守城生員

景泰元年庚午命翰林院侍講學士劉鉉翰林院侍

講陳文主順天試

命翰林院侍講吳節劉定之主應天試

二年辛未命戶部右侍郎兼翰林院學士江淵翰林

院脩撰林文為考試官取中吳滙等廷試賜柯潛劉

昇王儉及第改進士吳滙周輿戚瀾張永呂晟王獻

劉宣俞欽相傑楊守陳童緣張業樊冕林孔滋張瑄

金文鍾清田斌章表楊景彭信劉泰江朝宗為庶吉

士俱于東閣讀書

是年讀卷工部尚書學士高穀以內閣列本部尚書

石璞後閣體猶未重也

先是戶科給事中李侃等奏今年會試禮部奏准取

士不分南北臣等切惟江北之人文詞質實江南之

人文詞豐瞻故試官取南人恒多北人恒少洪武三

十年

太祖高皇帝怒所取之偏選北人韓克忠等六十一

人賜進士及第出身有差洪熙元年

仁宗皇帝又命大臣楊士奇等定議取士之額南人

十六北人十四今禮部妄奏變更意欲專以文詞多

取南人乞勅多官會議今後取士之額雖不可拘而

南北之分則不可改刑部侍郎羅綺亦以為言事下

禮部以為頃者詔書科舉自景泰元年為始一遵永

樂年間例行本部查得永樂二十年間凡八開科所

取進士皆不分南北已經奏允今侃稱禮部變更意

專以文詞多取南人夫鄉舉里選之法不可行矣取

士若不以文考官將何所據且北方中土人才所生

以古言之大聖如周公孔子大賢如顏曾思孟皆非

南人以今言之如靖遠伯王驥左都御史王翱王文

皆永樂間不分南北所取進士今豈可預謂北無其

人况本部止遵詔奏書行即不曾奏請多取南人少

取北人今各官所言如是乞勅翰林院定議命遵詔

書行侃等所言不允

是歲知貢舉官胡濙楊寧二尚書同考侍講劉儼秩

尊於林文又有廣東叅政羅崇本教授訓導各一廷

試王越卷為風飛去上復給卷尾成之或云墮于

朝鮮次歲送還上喜擢越御史

弁山堂別集卷八十一

吳郡王世貞元美著

科試考二

四年癸酉命太常少卿兼翰林院侍讀學士陳詢侍講學士兼右春坊右中允呂原主順天試

禮部祠祭司主事周駮奏設科取士當遵國法禁例洪武以來舊例曾由科目出身未入流品官生員發

充吏罷閑官吏監生生員娼優隸卒刑喪過犯之人不許入試其生員軍生儒士及未入流品官農吏承

差軍餘人等若無錢糧等項粘帶者聽從入試如有不實照例論罪已中式者黜退不錄未中式者終身

不許入試今順天府景泰四年鄉試取中舉人尹誠汪諧陳益龔雁王顯李隨李森錢翰俱係冒籍人數

於例不該入試似此之徒欲求事君而先欺君今日苟圖如此他日居官可知乞明正其罪以警將來命

錦衣衛俱執送刑部問未發露者許自首逮問同學知而不首者同罪今後科場知貢奉監試提調等官

務在防範嚴切不許容情冒名換卷截卷傳遞文字并說話作弊監門搜檢巡綽監試官軍敢有知前容

隱不舉作弊者俱治以重罪兼外執事官臨期於吏

部聽選文學出身者充之

命左春坊大學士兼翰林院侍讀彭時右春坊右庶

子兼侍講趙恢主應天試

五年甲戌命兵部左侍郎翰林院學士左春坊大學士商輅司經局洗馬兼翰林院修撰李紹為考試官

取中彭華等廷試賜孫賢徐溥徐軫及第選進士任

潘耿裕彭華劉鈺陳龍牛龍馬勳何琮吳禎嚴淦尹直陳政竊珍馮定金紳黃魏王寬夏時為庶吉士命

左春坊大學士劉儼教習先一年禮部尚書胡濙言翰林院及春坊以文藝為職業宜專作同考官官由

科第有學者宜兼職以充勿再用教官著為令許之是歲商學士才閔三科已作正考而同考則中允

楊鼎替筆錢溥皆已未也登科錄牛翰書叔玉司禮監左監丞

七年丙子太常寺少卿兼翰林院侍讀劉儼左春坊左中允兼翰林院編修黃諫主順天試

內閣大學士陳循王文等言考中譯字官劉淳送試不中為失舊制詔儼等回話宥之王文陳循又言循

子瑛文子倫不中式為考官忽畧之故又出題偏駁犯宣宗御諱詔禮部同大學士高穀等覆驗取中

舉人徐泰等文卷有優于倫瑛者有相等者有不及者又第六名林挺殊卷無批語奏上有旨劉儼等考試不精罪不容逃但無私獎俱宥之林挺并該房考官俱下錦衣衛獄鞫情實以聞王倫陳瑛明年俱准會試六科論該循文罪當誅斥有旨覽爾等所奏誠為有理但陳循王文輔導有年國之元老豈可以一事之失而遽加之罪姑貸之少保高穀乞致仕詔卿持正之心嫌疑之情朕已具悉但館閣之職正當用賢不允所請今後尚加秉忠直以全名節蓋穀而斤術文之私而奏全儼等不自安乃有此奏也

命司經局洗馬兼翰林院脩撰柯潛左春坊左贊書兼翰林院編脩劉俊主應天試

天順元年丁丑命禮部左侍郎兼翰林院學士薛瑄通政司左參議兼翰林院侍講呂原為考試官取中夏積等廷試賜黎淳徐瓊陳秉忠及第

是歲同考則尚寶少卿錢溥司承季泰翰林典籍徐秘蓋官制初變也是科最號嚴整然外人有以俚語戲者所謂薛瑄性理難包括錢溥春秋沒主張問仁既已無顏于告祭如何有太王皆括摘題目之誤至謂總兵令姪獨軒昂蓋指石亨從子後也後坐亨敗

除名及以怨謗劾於市

廷試讀卷官凡三伯武功掌內閣靖遠掌兵部典濟掌鴻臚

三年巳卯命翰林院學士劉定之倪謙主順天試謙有門生不中式為所訐陷謫戍

命翰林院侍讀學士錢溥侍講萬安主應天試

四年庚辰命翰林院學士呂原尚寶少卿兼翰林院脩撰柯潛為考試官取中陳選等廷試賜王一夔李永通鄭環及第一夔後改姓謝改進士劉健張販李溫張謹德張順周經王範蔡霖張溥楊瑛鄭紀童璽

汪諧張元禎為庶吉士命學士劉定之侍讀學士錢溥教習

是科間禹鈞以國子監學正同考有下第舉人訴學士呂原等徇私顛倒 上試之皆不稱囊三木禮部前以徇

六年壬午命翰林院脩撰陳鑑脩撰劉宣主順天試命翰林院脩撰劉吉翰林院檢討那讓主應天試

七年癸未命禮部左侍郎兼翰林院學士陳文尚寶司少卿兼脩撰柯潛為考試官試日大火焚死者九十餘人及主試官俱越牆免 上憐之贈死者俱進

十餘人及主試官俱越牆免 上憐之贈死者俱進